

Stofnun stjórnsýslufræða og stjórnmála
Stjórnmálafræðideild
Háskóla Íslands

Yfirlit yfir helstu verkefni
starfsárið 2025

Janúar 2026

Efnisyfirlit

Frá formanni stjórnar og forstöðumanni Stofnunar stjórnsýslufræða og stjórn mála	3
1. Inngangur.....	4
2. Stjórnun, samstarf, rannsóknir og þróunarverkefni.....	4
2.1 Stjórn og starfsfólk	4
2.2 Samstarfsaðilar.....	4
2.3 Rannsóknir og þróunar- og samstarfsverkefni.....	6
3. Útgáfa og vefir	8
3.1 Vef tímaritið Stjórn mála & stjórnsýsla	8
3.2 Vefir stofnunarinnar	10
3.3 Vinnupappírar.....	10
4. Fræðsla og upplýsingamiðlun um stjórnsýslu, stjórn mála og málefni líðandi stundar	10
4.1 Stjórnsýslufræðsla og önnur námskeið.....	10
4.2 Ráðstefnur, málþing og opnir fyrirlestrar.....	11
5. Fjármál stofnunarinnar	12
Viðauki 1. Viðburðir og námskeið á vegum Stofnunar stjórnsýslufræða og stjórn mála árið 2025	13
Viðauki 2. Titlar og höfundar ritrýndra greina í tímaritinu <i>Stjórn mála & stjórnsýsla</i> árið 2025.....	15

Frá formanni stjórnar og forstöðumanni Stofnunar stjórnsýslufræða og stjórnmála

Árið 2025 var tuttugasta og þriðja starfsár Stofnunar stjórnsýslufræða og stjórnmála. Helstu viðfangsefni voru að vanda á sviði útgáfu, opinna funda og ráðstefna, hagnýtra námskeiða, þjónustuverkefna fyrir samstarfsaðila hjá hinu opinbera og aðstoðar við og umsýslu vegna rannsókna á opinberri stjórnsýslu.

Tímarit stofnunarinnar, *Stjórnmál & stjórnsýsla*, fagnaði tuttugu ára afmæli á árinu. Alls hefur nú 331 ritrýnd fræðigrein birst í tímaritinu eftir 299 höfunda og hátt í 300 manns hafa ritrýnt efni fyrir tímaritið. Um 9-10 þúsund manns heimsækja heimasíðu þess alls um 20-30 þúsund sinnum á ári og árlegar tilvitnanir í Web of Science eru um 40-80. Útgáfa tímaritsins skipaði að vanda mikilvægan sess í starfsemi stofnunarinnar á árinu, sem og umsjón stofnunarinnar með útgáfu *Tímarits um viðskipti og efnahagsmál* (TVE). Stöðugleiki í útgáfu slíkra tímarita er mikilvæg forsenda rannsókna og útgáfu á viðkomandi fræðasviðum.

Á árinu urðu einnig þau tímamót að Landsbókasafn Íslands – Háskólabókasafn (Lbs) tók við hýsingu, tæknilegri umsjón og kerfisþjónustu við útgáfu umræddra tímarita og sex annarra slíkra sem tengjast Háskóla Íslands. Útgáfan hafði glímt við talsverðar áskoranir varðandi nauðsynlega kerfisþjónustu eftir að Upplýsingatæknisvið Háskóla Íslands hætti að sjá um hýsingu og kerfisþjónustu við útgáfu slíkra tímarita haustið 2023. Nú bindur stofnunin ásamt fleirum vonir við að þessi þjónusta sé komin í viðeigandi og trausta heimahöfn. Stofnunin var virkur þátttakandi í gerð samkomulags um þessa yfirfærslu, milli Lbs annars vegar og þriggja sviða við Háskóla Íslands hins vegar.

Stofnunin hélt að vanda opna fundi og málþing ýmist ein og sér eða í samstarfi við aðila á borð við Félag stjórnmálafræðinga, Félag forstöðumanna ríkisstofnana og önnur félög og stofnanir. Stofnunin leitaðist þannig sem fyrr við að vera öflugur umræðuvettvangur um málefni stjórnmála og stjórnsýslu. Alls mættu um sex hundruð manns á fundi stofnunarinnar og samstarfsaðila á árinu og upptökur frá flestum þeirra eru jafnframt aðgengilegar á heimasíðu stofnunarinnar. Þá fékk heimasíða stofnunarinnar um sex þúsund heimsóknir á árinu og stofnunin var virk á samfélagsmiðlum.

Á árinu hélt stofnunin sextán hagnýt námskeið fyrir starfsfólk í opinberri þjónustu o.fl., með alls um sex hundruð þátttakendum. Meðal nýrra námskeiða á árinu má nefna fjölsótt námskeið þar sem umboðsmaður Alþingis og dómari við Landsrétt fjölluðu um hvað væri nýtt í stjórnsýsluréttinum – út frá niðurstöðum dómstóla og álitum umboðsmanns. Stofnunin hefur undanfarin ár aukið nokkuð við fjölbreytileika í framboði námskeiða og ánægjulegt er að stofnunin geti þannig tekið þátt í að mæta ríkri eftirspurn eftir hagnýtri fræðslu innan íslenskrar stjórnsýslu.

Gunnar Helgi Kristinsson stjórnarformaður og Gústaf Adolf Skúlason forstöðumaður Stofnunar stjórnsýslufræða og stjórnmála.

1. Inngangur

Stofnunin starfar í samræmi við reglur um Stofnun stjórnsýslufræða og stjórn mála og stefnumótun stjórnar á hverjum tíma. Í gildandi reglum stofnunarinnar segir m.a. eftirfarandi um hlutverk hennar:

„Stofnun stjórnsýslufræða og stjórn mála er rannsókn-, fræðslu- og þjónustustofnun sem starfrækt er af Háskóla Íslands. Stofnunin er vettvangur samstarfs Háskóla Íslands við opinbera aðila um eflingu náms og rannsókna um stjórnun opinberra stofnana, bæði ríkis og sveitarfélaga, og vettvangur umræðu um stjórn mála og stjórnsýslu. Stofnunin heyrir undir Stjórn málafræðideild á Félagsvísindasviði. Hún starfar sem sjálfstæður aðili í tengslum við Félagsvísindastofnun HÍ.“

Í þessari ársskýrslu er gerð grein fyrir starfsemi stofnunarinnar á 23. starfsári hennar árið 2025.

2. Stjórnun, samstarf, rannsóknir og þróunarverkefni

2.1 Stjórn og starfsfólk

Stjórn Stofnunar stjórnsýslufræða og stjórn mála er kosin til þriggja ára, síðast í janúar 2023. Samkvæmt reglum stofnunarinnar skipar forseti Félagsvísindasviðs stofnuninni sjö manna stjórn til þriggja ára. Deildarfundur í Stjórn málafræðideild tilnefnir þrjá menn í stjórnina og rektor Háskóla Íslands einn. Forseti Félagsvísindasviðs skipar þrjá stjórnarmenn án tilnefningar, m.a. frá samstarfsaðilum stofnunarinnar sem samningar hafa verið gerðir við. Fulltrúar Stjórn málafræðideildar í stjórn árið 2025 voru: Gunnar Helgi Kristinsson prófessor, formaður stjórnar, Eva Marín Hlynsdóttir prófessor og Sigurbjörg Sigurgeirsdóttir prófessor. Aðrir í stjórn voru: Pétur Berg Matthíasson sérfræðingur í menningar-, nýsköpunar- og háskólaráðuneytinu en áður í forsætisráðuneytinu hvers fulltrúi hann var í stjórn, Ragna Árnadóttir forstjóri Landsnets hf., Trausti Fannar Valsson dósent við Lagadeild HÍ sem tilnefndur var af rektor HÍ og Þorsteinn Gunnarsson borgarritari sem var fulltrúi Reykjavíkurborgar. Stjórnin fundar gjarnan einu sinni til tvisvar á ári en árið 2025 var haldinn einn formlegur stjórnarfundur, í janúar

Skrifstofa Stofnunar stjórnsýslufræða og stjórn mála var sem fyrr í húsnæði Félagsvísindastofnunar Háskóla Íslands í Gimli við Sæmundargötu. Gústaf Adolf Skúlason gegndi áfram starfi forstöðumanns en honum til fulltingis í verktöku voru sem fyrr kennarar, grafískur hönnuður o.fl., auk þess sem tveir nemendur við Stjórn málafræðideild sinntu verkefnum við framkvæmd nokkurra námskeiða og viðburða. Loks hafði Haukur Arnþórsson sem fyrr umsjón með vef tímaritsins *Stjórn mála & stjórnsýsla*, sem og vef *Tímarits um viðskipti og efnahagsmál (TVE)*, en að þessu sinni aðeins í byrjun árs. Haukur hafði m.a. verið vefritstjóri fyrir fyrrnefnda tímaritið frá upphafi eða í um tuttugu ár og eru honum þökkud afar góð og ósérhlífín störf fyrir tímaritin öll þessi ár. Vorið 2025 tók hins vegar Landsbókasafn Íslands - Háskólabókasafn við hýsingu og tæknilegri þjónustu við umrædd tímarit ásamt fleirum og voru það þau Helgi Sigurbjörnsson og Andrea Ævarsdóttir sem höfðu tæknilegan veg og vanda af útgáfu ofangreindra tímarita á árinu 2025.

2.2 Samstarfsaðilar

Auk kennara í stjórn mála- og stjórnsýslufræðum og ýmissa fleiri fræðimanna og stofnana innan HÍ o.fl. háskóla á stofnunin samstarf við fjölmarga aðila utan háskólasamfélagsins. Má þar nefna

forsætisráðuneytið, Reykjavíkurborg, Umboðsmann Alþingis og ýmsar opinberar stofnanir og ráðuneyti en einnig Félag stjórnsmálafræðinga, Félag forstöðumanna ríkisstofnana o.fl. Þá starfar stofnunin með sjálfstætt starfandi sérfræðingum, starfsfólki opinberrar stjórnsýslu o.fl., m.a. vegna skipulagningar á málþingum, fræðslufundum og lengri og skemmri námskeiðum um stjórnsýslu og stjórnun í opinberum rekstri sem einkum eru hugsuð fyrir starfsfólk opinberrar stjórnsýslu.

Reykjavíkurborg hefur verið formlegur samstarfsaðili stofnunarinnar frá upphafi og er samstarfið stofnuninni mjög mikilvægt. Í gildandi þjónustusamningi stofnunarinnar við borgina er fjallað um þjónustuverkefni, stjórnsýsluskóla, hagnýt rannsóknarverkefni og um málþing og opna fundi. Á árinu vann stofnunin m.a. minnisblað um tiltekið praktískt úrlausnarefni fyrir borgina auk þess sem 58 starfsmenn borgarinnar sóttu hagnýt námskeið stofnunarinnar á árinu, á sérstökum afsláttarkjörum á grundvelli umrædds þjónustusamnings. Þá var stofnunin borginni innan handar varðandi erindi um mannauðsmál á vettvangi hennar. Loks má nefna að á árinu 2024 tók borgin þátt í samstarfsverkefni stofnunarinnar með Stofnun opinberrar stjórnsýslu í Portúgal (INA – sjá nánari umfjöllun í kafla 2.3.4.), þar sem skipst var á gagnlegum fróðleik, sem fjármagnað var af Uppbyggingarsjóði EES. Forstöðumaður Stofnunar stjórnsýslufræða og stjórnsmála fylgdi verkefninu eftir á fyrri hluta árs 2025, m.a. með þátttöku í lokamálstofu í febrúar og í gerð lokaskýrslu verkefnisins.

Forsætisráðuneytið hefur jafnframt verið formlegur samstarfsaðili stofnunarinnar allt frá árinu 2005. Allar götur frá sama ári hefur stofnunin m.a. staðið fyrir árlegu sex vikna námskeiði í stjórnsýslurétti, í samstarfi við forsætisráðuneytið, Umboðsmann Alþingis og kennara við Lagadeild HÍ. Stofnunin hefur jafnframt lengi verið með ýmis önnur hagnýt námskeið fyrir starfsfólk Stjórnarráðsins o.fl. opinbera aðila. Í þjónustusamningi er jafnframt m.a. fjallað um mögulegt samstarf um hagnýt rannsóknarverkefni fyrir háskólanema, samstarf um málþing og opna fundi og um rannsóknarverkefni. Á árinu 2025 kom stofnunin að undirbúningi að framkvæmd könnunar stefnumótunar Stjórnarráðsins á stöðu stefnumótunar, sem gerð hefur verið nokkrum sinnum og stefnan er – þegar þetta er ritað – að framkvæma í janúar 2026. Þá vinna þeir Gunnar Helgi Kristinsson prófessor í stjórnsmálafræði og stjórnarformaður stofnunarinnar og Pétur Berg Matthíasson, sem jafnframt situr í stjórn stofnunarinnar og starfaði áður hjá forsætisráðuneytinu, saman að rannsókn á árangri stjórnsýsluumbóta sem stofnunin hefur jafnframt komið að. Stofnunin kom enn fremur að undirbúningi og framkvæmd könnunar um stefnumótandi áætlanagerð í ráðuneytum (og sveitarfélögum) með þeim Evu Marín Hlynisdóttur prófessor og deildarforseta í stjórnsmálafræði, sem jafnframt situr í stjórn stofnunarinnar, og áðurnefndum Pétri Berg Matthíassyni. Þá kom lögfræðingur úr forsætisráðuneytinu að kennslu á sex vikna námskeiði stofnunarinnar í stjórnsýslurétti. Enn fremur sóttu 43 starfsmenn Stjórnarráðsins hagnýt námskeið stofnunarinnar á árinu, á sérstökum afsláttarkjörum sem Stjórnarráðið nýtur hjá stofnuninni. Loks má nefna að á árinu 2024 tók forsætisráðuneytið þátt í samstarfsverkefni stofnunarinnar með Stofnun opinberrar stjórnsýslu í Portúgal (INA – sjá nánari umfjöllun í kafla 2.3.4.), þar sem skipst var á gagnlegum fróðleik, sem fjármagnað var af Uppbyggingarsjóði EES. Forstöðumaður Stofnunar stjórnsýslufræða og stjórnsmála fylgdi verkefninu eftir á fyrri hluta árs 2025, m.a. með þátttöku í lokamálstofu í febrúar og í gerð lokaskýrslu verkefnisins.

Ýmsir aðrir opinberir aðilar hafa sem fyrr segir átt í samstarfi við stofnunina og hafa m.a. keypt styrktaráskriftir að tímaritinu *Stjórnsmál & stjórnsýsla* sem gerir stofnuninni m.a. kleift að gefa það út á prentformi. Nánar er fjallað um útgáfu tímaritsins í kafla 3.1. og í viðauka 2.

Samstarf stofnunarinnar við *Tímarit um viðskipti og efnahagsmál* (TVE) hélt áfram á árinu 2025, en stofnunin hefur haft umsjón með útgáfu tímaritsins í samstarfi við ritstjórn þess frá árinu 2017. Seðlabanki Íslands, Hagfræðideild HÍ, Viðskiptadeild Háskólans á Bifröst, Viðskiptafræðideild HÍ og Viðskipta- og hagfræðideild Háskólans í Reykjavík standa að útgáfu tímaritsins. Um er að ræða fræðitímarit með ritrýndum greinum sem kemur út tvisvar á ári í vefútgáfu og gefur tíu stig í matskerfi opinberra háskóla. Hlutverk stofnunarinnar við útgáfu TVE er að vinna með ritstjórn og hafa umsjón með samskiptum við höfunda og ritrýna, taka við nýjum greinum og halda utan um ritrýniferlið, auk þess að sjá um undirbúning greina í umbrot og vefútgáfu, kynningarmál, útgáfuviðburði og fjármál. Á móti greiðir tímaritið stofnuninni árlega umsýslubókun. Tímaritið kom út tvisvar í vefútgáfu árið 2025, í júní og desember, með alls átta ritrýndum fræðigreinum. Formaður ritstjórnar er Þórhallur Örn Guðlaugsson, prófessor við Viðskiptafræðideild HÍ. Vefsíða tímaritsins er www.efnahagsmal.is. Landsbókasafn Íslands - Háskólabókasafn tók á árinu yfir tæknilega þjónustu við tímaritið o.fl. slík, en nánar er fjallað um þá breytingu í kafla 3.1. um tímaritið *Stjórnsmál & stjórnsýsla*.

Á árinu hélt stofnunin einn morgunverðarfund í samstarfi við Félag forstöðumanna ríkisstofnana (FFR), um óvægna umræðu og áreitni við opinbera starfsmenn. Var hann vel sóttur af stjórnendum ríkisstofnana auk stjórnenda sveitarfélaga o.fl. Þóra Bjarnadóttir, lögfræðingur hjá Sýslumanninum á höfuðborgarsvæðinu og MPA í opinberri stjórnsýslu, kynnti þar niðurstöður rannsóknar sinnar á upplifun opinberra starfsmanna af óvæginni umræðu og áreitni í þeirra garð. Fyrst fjallaði Jón Gunnar Ólafsson, lektor við Stjórnsmálafræðideild HÍ, á almennari hátt um samskipti í breyttum heimi og um aukna og hörku í umræðu á netinu, m.a. í tengslum við stjórnsmál. Fjörugar umræður spunnust í kjölfar erindanna en fundinum stýrði Gústaf Adolf Skúlason forstöðumaður stofnunarinnar. Enn fremur voru stofnunin og FFR samstarfsaðilar ráðstefnunnar Viðskipta og vísinda, um fjölsóttu málstofu um jöfnun kjara milli vinnumarkaða.

Meðal fjölmargra annarra samstarfsaðila stofnunarinnar má nefna Félag stjórnsmálafræðinga, kennara Stjórnsmálafræðideildar HÍ og annarra deilda og háskóla, aðrar rannsóknarstofnanir við HÍ, Sameyki o.fl. Sjá nánari umfjöllun um opna fundi um málefni líðandi stundar sem stofnunin stóð fyrir á árinu í kafla 4.2 og í viðauka 1.

2.3 Rannsóknir og þróunar- og samstarfsverkefni

Stofnunin hefur tekið að sér afmarkaða þætti í rannsóknarverkefnum kennara og doktorsnema við Stjórnsmálafræðideild og á í ýmiss konar samstarfi sem fyrr segir. Segja má að veigamesta rannsóknarverkefni stofnunarinnar undanfarin ár, lögmætisrannsókninni, sé að mestu lokið.

2.3.1 Rannsóknarverkefni um lögmæti. Árið 2018 hlaut rannsóknarverkefnið *Hefur lögmæti áhrif?* (e. Does legitimacy make a difference?) þriggja ára (2018-2020) verkefnastyrk upp á 26 milljónir úr Rannsóknasjóði Íslands (Rannís). Rannsóknin leitast við að meta hvort lögmæti hafi áhrif á hegðun fólks og þar er sjónum sérstaklega beint að skattaundanskotum, spillingu og popúlisma. Rannsóknarstjóri verkefnisins er Gunnar Helgi Kristinsson, prófessor við Stjórnsmálafræðideild HÍ, en hlutverk stofnunarinnar í verkefninu hefur falist í að aðstoða við gagnauðrýnnu, sjá um

fjármálaumsýslu og hafa umsjón með viðburðum og kynningum á rannsóknarniðurstöðum í samstarfi við rannsóknarstjóra. Framvinda rannsóknarverkefnisins var lengst af að mestu leyti samkvæmt áætlun en Covid-19 hafði m.a. áhrif á tækifæri til kynningar á greinum og einnig varð dráttur á einhverjum greinaskrifum. Í ársbyrjun 2023 skilaði stofnunin lokaskýrslu til Rannís en vinna hefur þó haldið áfram við lokafrágang og birtingu fræðigreina.

2.3.2 Rannsóknasetur um fjölmiðlun og boðskipti. Rannsóknasetur um fjölmiðlun og boðskipti er rannsókn-, fræðslu- og þjónustustofnun sem starfrækt er af Háskóla Íslands og Háskólanum á Akureyri. Hlutverk þess er að auka og efla rannsóknir á sviði fjölmiðla og fréttamennsku og að vera samstarfsvettvangur á milli fræðasamfélags og fjölmiðlafólks. Setrið var gert að sjálfstæðri einingu innan Stofnunar stjórnsýslufræða og stjórnmála síðla árs 2016. Enginn fundur var haldinn á vegum setursins árið 2025 en það var síðast gert í október 2023.

2.3.3 Scandinavian Political Studies. Árið 2023 tóku þrír prófessorar við Stjórnmálafræðideild Háskóla Íslands við sem ritstjórar fræðitímaritsins Scandinavian Political Studies, sem gefið er út af samtökum norrænna stjórnmálafræðinga (Nordic Political Science Association - NoPsa). Eva H. Önnudóttir prófessor við sömu deild gegnir nú formennsku í NoPSA og er það í fyrsta sinn sem Íslendingur leiðir samtökin. Á árunum 2023-2026 er ritstjórn tímaritsins á hendi þeirra Maximilian Conrad, Silju Báru Ómarsdóttur og Stefaníu Óskarsdóttur. Útgáfufyrirtækið Wiley hefur umsjón með útgáfunni sjálfri en Stofnun stjórnsýslufræða og stjórnmála hefur jafnframt verið ritstjórninni innan handar á grundvelli sérstakrar fjárveitingar frá rektor Háskóla Íslands.

2.3.4 Samstarf við INA í Portúgal og Uppbyggingarsjóð EES. Stofnunin átti árin 2024-5 í samstarfi við INA (Instituto Nacional de Administração) – Stofnun opinberrar stjórnsýslu í Portúgal sem fer m.a. með málefni fræðslu, þróunar o.fl. innan portúgalskrar stjórnsýslu. Samstarfið var fjármagnað af Uppbyggingarsjóði EES, sem aftur er fjármagnaður af EFTA EES ríkjum Íslandi, Liechtenstein og Noregi. Sjóðnum er ætlað að draga úr félagslegum og efnahagslegum ójöfnuði innan Evrópska efnahagssvæðisins og efla tvíhliða samstarf milli EFTA ríkjanna innan EES og fimmtán viðtökuríkja sjóðsins í Evrópu. Verkefnið snerist um að skiptast á gagnlegum fróðleik um opinbera stjórnsýslu í ríkjum tveimur en enski titill verkefnisins var Empowering Public Administration through Knowledge and Innovation - Capacity Building Exchange.

Árið 2024 skiptust aðilar á heimsóknum þar sem m.a. sérfræðingar forsætisráðuneytis, háskóla-, iðnaðar- og nýsköpunarráðuneytis, fjármála- og efnahagsráðuneytis og Reykjavíkurborgar komu við sögu á fundum í Reykjavík og Lissabon. Meðal þess sem fjallað var um var stjórnendapjálfun hjá hinu opinbera og hagnýt námskeið fyrir opinbera starfsmenn, rýni og upplýsingagjöf sérstakrar sjálfstæðrar stofnunar um opinber fjármál, aðgangur að upplýsingum og siðareglur um starfsemi hins opinbera, stuðningur við nýsköpun, umbætur í opinberri stjórnsýslu, miðlæg opinber stefnumótun – m.a. á sviði loftslagsmála – íbúalýðræði, húsnaðisstefna og margt fleira, en nánar er fjallað um verkefnið í ársskýrslu fyrir árið 2024.

Íslenska sendinefndin lærði margt gagnlegt af dagskránni í Lissabon og tók með heim nýja sýn á ýmis viðfangsefi í íslenskri stjórnsýslu. Að sama skapi töldu þau portúgölsku sig hafa lært mjög margt af heimsókn sinni hingað til lands og af samtölum við íslensku sendinefndina á fundunum í

Lissabon. Fyrri hluta árs 2025 fylgdi loks forstöðumaður Stofnunar stjórnsýslufræða og stjórnmála verkefninu eftir m.a. með þátttöku í lokamálstofu í febrúar og í gerð lokaskýrslu verkefnisins.

3. Útgáfa og vefir

3.1 Vef tímaritið Stjórnmál & stjórnsýsla

Stofnunin hefur gefið út vef tímaritið *Stjórnmál & stjórnsýsla* frá árinu 2005 og fagnaði tímaritið því tuttugu ára afmæli árið 2025, með útgáfu annars tölublaðs 21. árgangs þriðjudaginn 16. desember, tuttugu árum og einum degi frá útgáfu fyrsta tölublaðs tímaritsins. Á útgáfu- og afmælisfundinum fjallaði Agnar Freyr Helgason, fulltrúi í ritstjórn og dósent við Stjórnmálafræðideild HÍ, í stuttu máli um sögu og stöðu tímaritsins. Þá ávarpaði Silja Bára Ómarsdóttir, rektor HÍ, fundinn og fjallaði m.a. um mikilvægi slíkrar útgáfustarfsemi fyrir fræðasamfélagið. Loks kynntu þær Ásta Dís Óladóttir prófessor og Þóra H. Christiansen aðjúnt, báðar við Viðskiptafræðideild HÍ, grein sína *Kynjakvótalögin fimmtán ára: Hefur markmiðinu um aukna blutdeild kvenna verið náð?* Að fundinum loknum var boðið upp á léttar veitingar á Litla torgi (Háskólatorgi).

Megintilgangur tímaritsins er að gera fræðilegt efni um íslenska stjórnsýslu og stjórnmál aðgengilegt með það fyrir augum að auka við þekkingu og efla faglega umræðu á þessu sviði. Tölublöðin eru öllum aðgengileg á vefsíðunni www.irpa.is sem stendur fyrir enskt heiti tímaritsins: *Icelandic Review of Politics & Administration – IRPA*, sem og á slóðinni www.stjornmalogstjornsysla.is. Frá árinu 2012 hefur tímaritið komið út í íslensku og ensku vefviðmóti og er hægt að velja á milli tungumála. Prentuð útgáfa kemur út einu sinni á ári, en í henni eru ritrýndu greinar vefútgáfunnar frá árinu áður og kom hún út í mars þetta starfsárið. Hátt í 100 einstaklingar og stofnanir eru áskrifendur að tímaritinu, greiða árlegt áskriftargjald og fá senda prentuðu útgáfuna. Þar af eru tíu opinberar stofnanir, ráðuneyti og félagasamtök sem styðja útgáfuna sérstaklega með styrktaráskrift. Einnig styrkti Seðlabanki Íslands útgáfuna um hríð og árið 2024 fékk tímaritið sérstakan stuðning við útgáfu 20. árgangs frá fjármála- og efnahagsráðuneytinu. Tímaritið hefur á síðustu árum eflst og er það afar mikilvægur birtingarvettvangur fyrir fræðimenn á sviði félagsvísinda. Frá upphafi til ársloka 2025 hafa birst 331 ritrýnd fræðigrein í tímaritinu eftir 299 höfunda, 69 almennar greinar og 128 bókadómar. Undanfarin ár hefur tímaritið þó einungis gefið út ritrýndar fræðigreinar. Um 300 manns hafa ritrýnt efni fyrir tímaritið. Lesendur heimasíðu tímaritsins eru um 9-10 þúsund á ári hverju og heimsóknir á milli 20 og 30 þúsund. Tilvitnanir (e. citations) á Web of Science eru um 40-80 á ári.

Sem fyrr komu út tvö tölublöð í vefútgáfu á árinu, í júní og desember, að þessu sinni með þremur og síðar átta ritrýndum fræðigreinum (í afmælisheftinu - sjá yfirlit yfir greinarnar í viðauka 2). Útgáfufundir voru haldnir í tengslum við báðar útgáfurnar en hér að framan var fjallað nánar um tuttugu ára afmælisfundinn.

Í ritstjórn tímaritsins sitja fimm manns: Gunnar Helgi Kristinsson prófessor og aðalritstjóri, Agnar Freyr Helgason dósent, Eva H. Önnudóttir prófessor, Eva Marín Hlynisdóttir prófessor, en þau starfa öll við Stjórnmálafræðideild HÍ, og loks Gústaf Adolf Skúlason forstöðumaður Stofnunar stjórnsýslufræða og stjórnmála. Umsjón með útgáfunni hafði sem fyrr forstöðumaður stofnunarinnar en á árinu varð sú breyting að Landsbókasafn Íslands – Háskólabókasafn (Lbs) tók

við hýsingu, tæknilegri umsjón og kerfisþjónustu við útgáfuna. Haukur Arnþórsson hafði verið vefritstjóri með meiru frá stofnun tímaritsins og eru honum þökkud afar góð störf fyrir tímaritið í gegnum árin. Árið 2025 voru það þau Helgi Sigurbjörnsson og Andrea Ævarsdóttir hjá Lbs sem höfðu tæknilegan veg og vanda með útgáfu tímaritsins. Lbs tók á sama tíma að sér slíka hýsingu og tæknilega umsjón með útgáfu sjö annarra fræðilegra tímarita sem tengjast Háskóla Íslands, en fjallað var um þessa samningsgerð í síðustu ársskýrslu stofnunarinnar. Stofnunin var virkur þátttakandi í gerð samkomulags um þessa yfirfærslu, milli Lbs annars vegar og þriggja sviða HÍ hins vegar.

Hjá tímaritinu er einnig ráðgefandi ritstjórn sem og International Advisory Board. Báðar ritstjórnirnar eru skipaðar virtum erlendum og innlendum fræðimönnum á fræðasviði tímaritsins. Í ráðgefandi ritstjórn eru eftirtaldir: Jóhanna K. Birnir, University of Maryland, Magnús Þorkell Bernharðsson, Williams College, Guðmundur Heiðar Frímannsson, Háskólanum á Akureyri, Ólafur Þ. Harðarson, Háskóla Íslands, Indriði H. Indriðason, University of California, Riverside, Anna G. Jónasdóttir, University of Örebro, Tiina Randma-Liiv, Tallinn University of Technology, og Gyða Margrét Pétursdóttir, Háskóla Íslands.

Í International Advisory Board eru eftirfarandi: Shaun Bowler, University of California, Riverside, Donatella Della Porta, European University Institute, Sieglinde Gstöhl, College of Europe, Beatrice Halsaa, University of Oslo, Johanna Kantola, University of Helsinki, Don Kettl, University of Maryland, Mona Lena Krook, Rutgers University, Brendan O'Leary, University of Pennsylvania, Simona Piattoni, University of Innsbruck, Gerry Stoker, University of Southampton og Jos C. N. Raadschelders, University of Oklahoma.

Greinar sem birtast í tímaritinu eru metnar til 15 stiga í matskerfi opinberra háskóla. Matskerfið gerir ráð fyrir því að íslensk tímarit séu flokkuð í samræmi við það hversu strangar vísindalegar kröfur tímaritin gera við mat á greinum sem þeim berast til birtingar, en þau þurfa að uppfylla ákveðin skilyrði um ritstjórnarhætti. Ritryndar greinar sem birtast í tímaritinu *Stjórnsmál & stjórnsýsla* eru því metnar í hæsta flokk íslenskra fræðitímarita en matskerfið er grundvöllur mats á störfum akademískra starfsmanna við opinbera háskóla.

Ritstjórn markaði sér þá stefnu árið 2012 að sækja um skráningu á tímaritinu í erlenda gagnagrunna vísindatímarita og hefur náðst töluverður árangur í þeirri vinnu. Enn á tímaritið þó eftir að fá skráningu í mikilvæga grunna eins og Scopus. Ritstjórn og útgefandi hafa unnið að endurbótum sem eru nauðsynlegar til að fá skráningu á tímaritinu í Scopus gagnagrunninum.

Tímaritið er með aðgang að eftirfarandi samtökum og kerfum, en þessi aðgangur er grunnur að skráningu í erlenda gagnagrunna vísindatímarita:

1. **CrossRef-Publishers International Linking Association (PILA)**

Sem útgefandi tímaritsins er stofnunin meðlimur í **Cross Ref Publishers International Linking Association (PILA)**. PILA úthlutar meðlimum DOI númeri sem er grundvöllur skráningar tímarita í gagnagrunna. Tímaritinu hefur verið úthlutað DOI númeri og hafa allar greinar tímaritsins frá upphafi (árið 2005) fengið slíkt númer.

2. **Open Access Scholarly Publishers Association (OASPA)**

Stofnunin sem útgefandi tímaritsins fékk inngöngu í **Open Access Scholarly Publishers Association (OASPA)** árið 2013. OASPA hvetur útgefendur til að nota Creative Commons licenses, sérstaklega Creative Commons Attribution License (CC-BY), sem grundvöll fyrir opinn

aðgang að fræðilegu efni skv. viðurkenndri skilgreiningu á opnum aðgangi vísindatímarita. Merki Creative Commons Licences kemur fram á forsiðu tímaritsins *Stjórnsmál & stjórnsýsla* til marks um að það fylgi viðurkenndum stöðlum um opinn aðgang.

3. Open Journal Systems (OJS)

Stofnunin tók í gagnið ritstjórnar- og dreifingarkerfi Open Journal Systems (OJS) árið 2013. Allar greinar sem birst hafa í tímaritinu hafa verið settar í OJS kerfið. Kerfið er ritstjórnarkerfi fyrir höfunda, ritrýna og ritstjóra og styður tvíblinda ritrýni, sér um leiðbeiningar og áminningar til höfunda og ritrýna, er birtingarkerfi fyrir tímaritsgreinar á vefnum og útbýr eigin greinar í rafrænt form (export/import skrár) fyrir skráningu hjá alþjóðlegum skráningaraðilum fræðigreina.

Tímaritið er nú skráð í eftirfarandi erlenda gagnagrunna vísindatímarita:

1. **Directory of Open Access Journal (DOAJ);**
2. **EBSCO** - EBSCO Information Services gagnagrunnur;
3. **ESCI** - Thomson Reuters Emerging Source Citation index;
4. **Google Scholar Metrics;**
5. **ProQuest** - undir ProQuest Political Science Journals.

3.2 Vefir stofnunarinnar

Á vef stofnunarinnar, www.stjornsyslustofnun.hi.is, er að finna helstu upplýsingar um starfsemi hennar, útgáfu o.fl. Vefurinn var heimsóttur um sex þúsund sinnum á árinu. Stofnunin nýtir sér einnig samfélagsmiðla til kynningar á starfseminni og heldur úti Facebook-síðu, annarri slíkri um sveitarstjórnarmál og er með reikning á X (áður Twitter). Stofnunin rekur einnig vefsíðu tímaritsins *Stjórnsmál & stjórnsýsla* (www.irpa.is) eins og fram hefur komið, auk þess að hafa umsjón með vefsíðu Valds- og lýðræðisrannsóknarinnar (www.vol.hi.is). Loks heldur stofnunin utan um útgáfu *Tímarits um viðskipti og efnahagsmál* (TVE) sem gefið er út á heimasíðu þess www.efnahagsmal.is.

3.3 Vinnupappírar

Árið 2018 hóf stofnunin að birta „vinnupappíra“ (e. working papers) fræðimanna á vefsíðu sinni. Um er að ræða handrit að tímarits- og/eða ráðstefnugreinum sem enn eru á vinnslustigi og hafa því ekki farið í gegnum ritrýniferli, en viðfangsefni þeirra eru á sviðum stjórnmála- og stjórnsýslufræða. Allir vinnupappírar fá sér númer og útgáfan er skráð með ISSN númer. Vinnupappírarnir birtast á vefsíðunni undir „útgáfa“. Engar nýjar birtingar voru á árinu 2025.

4. Fræðsla og upplýsingamiðlun um stjórnsýslu, stjórnsmál og málefni liðandi stundar

4.1 Stjórnsýslufræðsla og önnur námskeið

Stofnunin hefur frá upphafi lagt mikla áherslu á að bjóða upp á styttri hagnýt námskeið sem einkum eru hugsuð fyrir starfsfólk í stjórnsýslu ríkisins og hjá sveitarfélögum. Á árinu stóð stofnunin fyrir 16 námskeiðum sem alls um 600 þátttakendur sóttu. Vegna Covid faraldursins voru flest námskeið kennd eingöngu í fjarnámi á árunum 2019-2021 en stofnunin hefur að mestu haldið sig við það fyrirkomulag sem gefist hefur vel, m.a. námskeið sem einkum eru ætluð sveitarfélögum. Hið árlega sex vikna námskeið um stjórnsýslurétt var þó kennt í staðnámi með streymi í rauntíma og aðgangi að upptöku. Hið sama má segja um nýtt námskeið þar sem fjallað var um hvað væri nýtt í

stjórnsýsluréttinum (umboðsmaður Alþingis og dómari við Landsrétt), og loks var námskeið um stjórnun upplýsingaöryggis hjá opinberum aðilum einungis kennt í staðnámi (en það fer m.a. fram í hópavinnu). Aðgangur að upptöku fylgir öllum námskeiðunum sem kenndu eru í fjarnámi.

Á árinu var boðið upp á ný námskeið um notkun gervigreindar og skýjaþjónustu í stjórnsýslunni, hvenær starfsfólk hjá ríki og sveitarfélögum verði vanhæft til að fara með mál, hvenær stjórnvöldum er skylt að endurupptaka mál og loks fyrrnefnt námskeið um hvað væri nýtt í stjórnsýsluréttinum. Þá var boðið upp á nokkur námskeið sem kennd hafa verið nokkuð reglulega á sviði stjórnsýsluréttar, um fjármál sveitarfélaga, upplýsingalög, upplýsingaöryggi, ráðningar og starfslok hjá hinu opinbera o.fl. Á vorönn 2026 verður svo m.a. boðið upp á nýtt námskeið um EES rétt.

Á árinu var í 21. skipti haldið *Sex vikna námskeið um stjórnsýslurétt fyrir starfsfólk ríkis og sveitarfélaga*, í samstarfi við forsætisráðuneytið og umboðsmann Alþingis. Námskeiðið nýtur ávallt mikilla vinsælda og umsjónarmaður þess og einn kennara árið 2025 var Trausti Fannar Valsson, dósent við Lagadeild HÍ. Aðrir fyrirlesarar voru þau Anna Rut Kristjánsdóttir aðstoðarmaður ríkisstjórnarinnar (og áður lögfræðingur hjá umboðsmanni Alþingis), Ásthildur Valtýsdóttir lögfræðingur í forsætisráðuneytinu, Hafsteinn Þór Hauksson dósent við Lagadeild HÍ, Kristín Benediktsdóttir umboðsmaður Alþingis og Særún María Gunnarsdóttir aðalskrifstofustjóri hjá umboðsmanni Alþingis.

Gunnlaugur A. Júlíusson hagfræðingur og fyrrverandi sveitarstjóri kenndi tvö námskeið um fjármál sveitarfélaga. Kjartan Bjarni Björgvinsson dómari við Landsrétt kenndi alls tólf námskeið á árinu á vegum stofnunarinnar. Þar á meðal fyrrnefnt námskeið um hvað væri nýtt í stjórnsýsluréttinum sem hann kenndi með Kristínu Benediktsdóttur umboðsmanni Alþingis. Hann kenndi jafnframt ný námskeið um notkun gervigreindar og skýjaþjónustu í stjórnsýslunni, vanhæfi og endurupptökuskyldu, auk námskeiða sem áður hafa verið kennd um t.d. upplýsingalög og um ráðningar og starfslok hjá hinu opinbera. Loks kenndi Sigurjón Þór Árnason fyrrum upplýsingaöryggisstjóri Veðurstofunnar námskeið um upplýsingaöryggi hjá hinu opinbera. Sjá má lista yfir námskeiðin í viðauka 1.

4.2 Ráðstefnur, málþing og opnir fyrirlestrar

Sem fyrr kom stofnunin jafnframt að eða stóð fyrir opnum fundum og viðburðum um málefni sem eru ofarlega á baugi varðandi stjórnsmál og stjórnsýslu í samstarfi við ýmsa aðila. Markhópur þessa fræðslu- og umræðuvettvangs eru stjórnendur í opinberum rekstri, starfsfólk stjórnsýslu ríkis og sveitarfélaga og fag-, fræði- og áhugafólk um opinbera stjórnsýslu og stjórnsmál. Á árinu hélt stofnunin ellefu opna fundi, málþing og ráðstefnur um ýmis viðfangsefni stjórnsmála og stjórnsýslu, ýmist ein og sér eða í samstarfi við aðra aðila. Helstu samstarfsaðilar voru líkt og oft áður Félag stjórnsmálafræðinga, Alþjóðamálastofnun HÍ og Félag forstöðumanna ríkisstofnana, en einnig kom stofnunin að fundahöldum í samstarfi við aðila á borð við Viðskiptafræðideild HÍ, Félagsfræðingafélag Íslands, Norræna húsið og utanríkisráðuneytið. Flestir fundir stofnunarinnar eru opnir og án skráningar en í einhverjum tilfellum var haldið formlega utan um skráningu (svo sem á morgunverðarfundum sem haldinn var á Grand Hótel Reykjavík). Alls sóttu um 6-700 manns fundi og viðburði stofnunarinnar og samstarfsaðila á árinu. Yfirlit yfir fundina er að finna í Viðauka 1, en í flestum tilfellum má finna upptöku af fundunum á vef stofnunarinnar, a.m.k. nánari upplýsingar.

5. Fjármál stofnunarinnar

Háskóli Íslands og Stjórn málafræðideild leggja stofnuninni til starfsaðstöðu og almenna umsýsluþjónustu, m.a. vegna fjármála, sem auk annars styður við fjárhagslega stöðu stofnunarinnar. Félagsvísindasvið hefur jafnframt stutt við útgáfu tímaritsins *Stjórn mála & stjórnsýsla*. Að öðru leyti er stofnunin rekin fyrir sjálfsaflafé og aflar fjármagns til rekstrar með styrksamningum, þjónustusamningum, skipulagningu og umsjón með málþingum, námskeiðum og opnum fundum, aðstoð við rannsóknir og útgáfu, áskriftum að tímariti stofnunarinnar o.fl.

Skráðar heildartekjur reikninga í umsjá stofnunarinnar árið 2025 voru tæpar 37 milljónir króna, en stofnunin var með sex rekstrareiningar: 1) almennur rekstur; 2) rannsóknarreikningur Valds- og lýðræðisrannsókna; 3) rannsóknarreikningur Rannsóknaseturs í fjölmiðlun og boðskiptum; 4) rannsóknarreikningur Lögmætisrannsókna; 5) *TVE-Tímarit um viðskipti og efnahagsmál*; og 6) tímaritið *Stjórn mála & stjórnsýsla*.

Megin rekstrarreikningur stofnunarinnar (almennur rekstur) var í nokkrum plús á árinu, einkum vegna mikillar aðsóknar að m.a. nýjum hagnýtum námskeiðum og þar sem forstöðumaður var í aðal atriðum einn á launaskrá (en naut fulltingis verktaka og aðstoðar nemenda við framkvæmd tiltekinna viðburða og námskeiða sem fyrr segir). Tímaritið *Stjórn mála & stjórnsýsla* var hins vegar rekið með dálitlum halla en samanlögð uppsöfnuð staða þessara tveggja reikninga var í árslok 2025 jákvæð um 13,5 milljónir króna.

Nánari greiningu á rekstri og fjármálum stofnunarinnar fyrir árið 2025 er að finna í greinargerð sem lögð var fyrir stjórn stofnunarinnar.

Viðauki 1. Viðburðir og námskeið á vegum Stofnunar stjórnsýslufræða og stjórnmála árið 2025

Ráðstefnur, málþing og opnir fundir:

5% þröskuldur í alþingiskosningum: nauðsyn eða óréttlæti?

Opinn hádegisfundur Félags stjórnmálafræðinga í samstarfi við Stofnun stjórnsýslufræða og stjórnmála. Háskólatorgi, 12. febrúar.

Eru íslensk fyrirtæki í stakk búin að mæta kröfum á sviði sjálfbærni?

Ráðstefnan Viðskipti og vísindi og TVE-Tímarit um viðskipti og efnahagsmál (þar sem Stofnun stjórnsýslufræða og stjórnmála hefur umsjón með rekstri, fundum, útgáfu o.s.frv.) héldu málstofu um kröfur sem íslensk fyrirtæki standa frammi fyrir um sjálfbærni og samfélagslega ábyrgð, m.a. á grundvelli innlendrar og fjölþjóðlegrar löggjafar. Háskólatorgi, 19. mars.

Hvað þarf til að jafna kjör á milli vinnumarkaða?

Ráðstefnan Viðskipti og vísindi stóð fyrir málstofu um hvað þurfi til að jafna kjör á milli hins almenna og hins opinbera vinnumarkaðar, í samstarfi við Stofnun stjórnsýslufræða og stjórnmála og Félag forstöðumanna ríkisstofnana (FFR). Háskólatorgi, 20. mars.

Alþjóðasamvinna á krossgötum: Hvert stefnir Ísland?

Árleg ráðstefna Alþjóðamálastofnunar Háskóla Íslands, utanríkisráðuneytisins og Norræna hússins, í samstarfi við Félag stjórnmálafræðinga og Stofnun stjórnsýslufræða og stjórnmála, var haldin í Norræna húsinu 11. apríl.

Hvert stefnir Evrópa? Þjóðríkið og Evrópusambandið

Opinn fundur Rannsóknarmiðstöðvar um samfélags- og efnahagsmál, í samstarfi við Stofnun stjórnsýslufræða og stjórnmála, var haldinn í gamla Sjálfstæðishúsinu við Austurvöll (NASA) þann 8. maí.

Hriktir í stoðum lýðræðisins? Dagur stjórnmálafræðinnar

Félag stjórnmálafræðinga hélt, í samstarfi við Stofnun stjórnsýslufræða og stjórnmála, hinn árlega dag stjórnmálafræðinnar, 16. júní í Odda.

Er mikið flokkaflakk nýja normið? - Útgáfufundur vorheftis Stjórnmála & stjórnsýslu

1. tölublað 21. árgangs Stjórnmála & stjórnsýslu kom út miðvikudaginn 18. júní. Af því tilefni var haldinn útgáfufundur og móttaka í Odda.

Óvægin umræða og áreitni við opinbera starfsmenn

Morgunverðarfundur Stofnunar stjórnsýslufræða og stjórnmála, í samstarfi við Félag forstöðumanna ríkisstofnana. Grand Hótel Reykjavík, 6. nóvember.

Valkyrjustjórnin: Einstök ríkisstjórn eða meira af því sama?

Opinn hádegisfundur Félags stjórnmálafræðinga og Stofnunar stjórnsýslufræða og stjórnmála. Odda, 21. nóvember.

Sjálfstjórn og bolmagn sveitarfélaga - útgáfuhóf

Stofnun stjórnsýslufræða og stjórnmála hélt útgáfuhóf í tilefni af útgáfu bókarinnar Sjálfstjórn og bolmagn sveitarfélaga sem Háskólaútgáfan gefur út. Litla torgi, 11. desember.

20 ára afmælis- og útgáfufundur Stjórnmála & stjórnsýslu

2. tölublað 21. árgangs og jafnframt 20 ára afmælishefti Stjórnmála & stjórnsýslu kom út þriðjudaginn 16. desember. Af því tilefni var haldinn útgáfufundur í Odda og móttaka á Litla torgi.

Nálgast má frekari upplýsingar um fundina og upptökur af flestum þeirra á vef stofnunarinnar, www.stjornsyslustofnun.hi.is.

Námskeið:

Samskipti stjórnvalda og borgara

22. janúar

Hvaða reglur gilda þegar ráða á starfsfólk hjá ríki og sveitarfélögum?

Kennt sérstaklega hjá einum aðila, 27. febrúar

Hvaða reglur gilda þegar ráða á starfsfólk hjá ríki og sveitarfélögum?

4. mars

Stjórnsýsluréttur fyrir starfsfólk ríkis og sveitarfélaga

18. febrúar - 27. mars

Hvaða reglur gilda um uppsagnir og önnur starfslok hjá ríki og sveitarfélögum?

3. mars

Notkun gervigreindar í stjórnsýslunni - möguleikar og takmarkanir. Nýtt námskeið.

28. apríl

Ársreikningar sveitarfélaga og mat á afkomu þeirra

29. apríl

Hraðferð um stjórnsýsluréttinn - Skilvirk meðferð mála í samræmi við stjórnsýslulög

21. maí

Fjárhagsáætlanir sveitarfélaga

2. september

Brot í starfi og utan þess: Hvernig á að (og má) bregðast við á vinnustað?

10. september

Hvernig geta opinberar stofnanir notað gervigreind og skýjaþjónustur án þess að brjóta persónuverndarreglur? Nýtt námskeið.

16. september

Hvenær verður starfsfólk ríkis og sveitarfélaga vanhæft til að fara með mál? Nýtt námskeið.

30. september

Upplýsingalögin - helstu reglur

7. október

Upplýsingaöryggi hjá opinberum aðilum

23. - 24. október

Hvað er nýtt í stjórnsýsluréttinum? - Helstu atriði úr starfi dómstóla og umboðsmanns Alþingis. Nýtt námskeið.

3. nóvember

Hvenær er stjórnvöldum skylt að endurupptaka mál? Nýtt námskeið.

26. nóvember

Viðauki 2. Titlar og höfundar ritrýndra greina í tímaritinu *Stjórnsmál & stjórnsýsla* árið 2024

Fræðigreinar sem birtust í vefriti stofnunarinnar í júní 2025:

The 2024 Alþingi election: Is extreme electoral volatility the new norm?

Hafsteinn Einarsson, Agnar Freyr Helgason, Jón Gunnar Ólafsson, Eva H. Önnudóttir og Hulda Þórisdóttir

Staðbundnir þingmenn í alþjóðlegum heimi: þingerindrekstur íslenskra þingmanna

Vilborg Ása Guðjónsdóttir og Silja Bára Ómarsdóttir

Workers' Descriptive Representation in the United Socialist Party, 1938–1968

Skafti Ingimarsson, Kjartan Ólafsson, Hermann Óskarsson og Guðmundur Oddsson

Fræðigreinar sem birtust í vefriti stofnunarinnar í desember 2025 – 20 ára afmælishefti:

Outsourcing Migration Governance: Nordic States and the Financing of the International Organization for Migration

Svanhildur Þorvaldsdóttir

Kynjakvótalögin fimmtán ára: Hefur markmiðinu um aukna blutdeild kvenna verið náð?

Ásta Dís Óladóttir, Þóra H. Christiansen, Viðar Lúðvíksson og Katrín Jakobsdóttir

Hagsmunir í húfi: Um samspil stafræðingar, skýjanotkunar og öryggisflokunar gagna íslenska ríkisins

Ragna Kemp Haraldsdóttir og Kolbrún Jónsdóttir

Voter turnout in local elections - the impact of municipal amalgamations. A study of 28 cases in Iceland

Grétar Þór Eypórsson

Innleiðing farsældarlaga: Samstarf ríkis og sveitarfélaga um þjónustu fyrir börn og fjölskyldur

Ragný Þóra Guðjohnsen og Eva Harðardóttir

„Græna gímaldið“ við Álfabakka – hvað segir það okkur um stjórnsýslu skipulagsmála á Íslandi?

Ásdís Hlökk Theodórsdóttir

Transparency in the Age of Uncertainty: The Communication Strategies of Icelandic and US Authorities During the First Wave of the COVID-19 Pandemic

Reynir Bragi Ragnarsson, Eva H. Önnudóttir og Jón Gunnar Ólafsson

User-Led Social Innovation – Emerging Ecosystems and Policy Frameworks

Stefanía G. Kristinsdóttir, Steinunn Hrafnisdóttir og Lars Hulgård